

MÉIFODO SAN PABLO

TESALONICA IMÁCIMO

ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ínotimacimo
Pablo ie nabáñiari rabe cuetíaioi

1 ¹ Cue Páblodicue. Bie rabe Tesalónica jófuemo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidiomoi. Daje izói cai Ocuíraíma Jesucristomo jaináidiomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraíma Jesucristo fecaca ézicigafuemo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere fínoite

³ Amatiai, ómoiri Juzíñamuina “fere figura” daiífiredicai. Daií ómoína cai daiíllifue ñue jaícina jóide, omoi ínogafue oni aillo mónaioicailla jira. Dani conímaiaína jamánomo ñue izíruioicaidiomoi. Iemona áferi Juzíñamuina “Aillo figura” daiífiredicai. ⁴Ua omoi iere ínogafue jíáie Juzíñamuimo gairídinomo aféfueri ióbioicana úriticai. Jíáimaci, Jesumo ínoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreiñenafue jino cíotatiomoi naa ñue omoi ínogafuiairi. ⁵Ja duere finótagamacidiomoi, mei íadi Juzíñamui ómoimo ñue coméciide ie illáimana illíruimo ñue nífuenino omoi dúciillena. Bífueмона Juzíñamui jicánuafe ñue jaícina jóinana jino náiraimo cíotate. Afe Juzíñamui illáimana illíruido duere finócaomoi.

⁶Mei Juzíñamui ñue jaícina finódime, omoi duere finódino ibana duere íaioína finóllena. ⁷Ua cai izói duere finócamacidiomoi, mei

íadi Juzíñamui cai izói ómoína caimare ocózinaitaite. Ua cai Ocuíraima Jesucristo bíniemo cíocailliruimo, afémie caina caimare ocózinaitaite. Aféruimo afémie ie jamánomo rírede abí imáciri monámona cíocaitaite; ua réiciai izoide cígido cíocaitiaioi. ⁸Juzíñamuina onóacañedino Jesucristo íaioina duere finótaibite. Daje izói cai Ocuíraima Jesucristo ñúefuena jeire óiacañedino duere finótaibite. ⁹Nana afe fiénidimacina jaca ninomo jilloñoeno duere íaioina finótaite. Ua cai Ocuíraima uíecomona jica ninomo dótaite. Afémie ebire illánomona jica ninomo íitiaioi. Ie ríinona óñoñeitiaioi. ¹⁰Aféruído Jesucristomo jaináidino íena “Iere fígomie” dáitiaioi. Daje izói nana ie uaimo íinotino íena caimare íóbítaite. Ja ómoimo cai llogáfuena ñue íinotiomoiza.

¹¹Bí fue jira ómoiri Juzíñamuimo comeci úrifiredicai. Omoi ñífuenino illafue Juzíñamuimo jicáfiredicai, Jesucristo jírígamacina omoi illa jira. Daje izói nana omoi comeci jítaina ñue illífue, ñue ícoimo Juzíñamui ríinodo fuitállena jicádicaí. Afe izói Juzíñamui uai omoi jeire úamona finócafuaí fuitállena Moo Juzíñamuimo jicádicaí. ¹²Bí fue mona cai Ocuíraima Jesucristo mámece omoi nícidogafuedo ñue caimare úbicaitaite. Afe íbana cai Moo Juzíñamui cai Ocuíraima Jesucristo díga ómoína izíruillamona ñúefuaí ómoimo nítaite.

Iere fiénidifuaína oruídímie billífue

2 ^{1,2}Amatíai, birui jae cai Ocuíraima Jesucristo billífueña ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllífue emódomo ja ómoimo llóiacadicue. Dáarie taino llotino cai Ocuíraima billirui ja dúcidez daidíaioi. Afemona omoi comécinafuena raire jíáfodo meñoñeillena izire jicádicaí. Daje izói jíáie taino llogafue ite. Afe taino llotino dáíifrediaioi:

—Cai llogafue Juzíñamui Joreño mona oga. Cristo ja bíteza, —daidíaioi; mei íadi aféfuere jacínaiñoeno omoi iri. Afe izói omoi cacana ía júfidogafuere jacínaiñoeno omoi iri. Ie emódomo ñie rabe omoi llíinoia cai úrilla izóidibe, aféberi jacínaiñoeno omoi iri. ³Níemona táinofuemo jífuefíñoeno abí omoi rairuiri. Ua Jesucristo billa uícodo, Juzíñamuina comíni uáitallífue uícómo cómuíte. Aféruillaído iere fiénidifuaína oruídímie cíocaitaite. Afémie dama ñine táinocaille. Daí Juzíñamui íena mamede. ⁴Bímie Juzíñamuina bacáuaredímie. Nana Juzíñamuido mameca ráaniaína bímie uáitano ñiné táinocaitaibite; daje izói nana Juzíñamuimo caimátaidinona anáfenuaibite naa jíáie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaibite. Dáamie “Cue bie Juzíñamuidícue” daílle.

⁵¿Nauí omoi díga cue illa llezica bí fue ómoimo llotícue, íadi aféfuemo úbicaiñediomoí? ⁶Afe fiénidifuaíaredímie nai bíñeillena jízilla raana onódiomoí. Afémie billirui raire cíocaiñellena Ñuera Joreño nai rairuide.

7 Afe jiáinomo lloñega fiēni illa maméinafue bie éniemo ja comuide. Aféfuena rairuídime cai cígimona oni ógana fiénidifuiāi jamánomo jebuíoicaite. 8 Aféfuena rairuídime oni ollríuimo afe jamánamo iáibadime cíocaite. Iemo cai Ocuíraima Jesús ana billano, ie fuemo ite faidórafuedo afe iáibadimiena títaite. Ua ie billa meáirenado afémiena niné táinocaitaite. 9 Afe jamánomo fiénidime Taife táijinafuedo bite. Aillo femo ite ríino ácataite. Afedo aillo cíórainina uaido finoca ráaniaido táinona jífueite naa jiáie taino onótate ráaniai diga. 10 Iemona afe iáiba naga fiénidifuiāido niné táinocaitallimacina jífueite. Jae niné táinocaitallimaci, Juzíñamui ua ñúefuena jeire óiacañedino jaca jílloñeitiaioi. 11 Afe jira Juzíñamui íaioi fiénidifue ínuamona íaioina iáibado jífuetaita. Daje izói táinofuiaina íaioina finotaite. 12 Mei fiénidifuiāi Juzíñamuina ñúefue baímo íaioi gáinamona, Juzíñamui íaioina duere finótaite.

Jílloillena nizécano

13 Mei cai benómona jaca ómoiri Juzíñamuina “fere figura” daiífiredicai. Jae cai Ocuíraima izíruiaga daje ámatiaidicai. Jaca jae nanómona Juzíñamui jílloillena nizécamacidiomoi. Mei ua ñúefue omoi jeire úamona Juzíñamui ómoína nizede. Daje izói caina ñúeitāte Joréñodo Juzíñamui ómoína nizede. 14 Afe jira cai ómoímo lloga ñuera jílloina uaido Juzíñamui ómoína jírrite, cai Ocuíraima Jesucristo illa ebíredifue dibénemo omoi íllena.

15 Amatiai, mai bífueo jaícina omoi coméciiri. Omoi cígiri dama cue llogáfuiaina, ie emódomo nana rabedo ómoímo cue cuegáuaina féitañeno omoi iri. 16,17 Mai birui cai Ocuíraima Jesucristo cai Moo Juzíñamui diga omoi comeci caimare náiretari. Mei jira cai Moo Juzíñamui ie comeci cáimafuedo caina izíruite. Afe llezica afémie cai comeci zúurenafue cáimafuena méidofirede jaca ninomo caimare cai íllena. Daje izói Juzíñamuido ñue cai illifue cai úiñoillena afémie caímo jino llote. Afe izói omoi comeci jaícina Juzíñamuimo jóillena jicádícue. Afemona bie nana ñúefuiāi daiífrediomoi. Daje llezica afe ñúefuiāi jino comínimo ácatarediomoi.

“Cairi Juzíñamuimo omoi jicari”

3 1 Amatiai, íraifue ómoímo llotícueza. Cairi Juzíñamuimo omoi jicari, cai Ocuíraima llogáuāi náagobiaido raire dúciiteza. Afe emodo aféuāi omoi jeire ua izói, afémaci jeire ólleza. 2 Juzíñamuimo mai jiáifodo omoi jicari. Bie iáirede fiénidino cígimona cai zúitailleza, mai Juzíñamuimo omoi jicari. Mei nana comínimona nai nana íñoñediaioiza. 3 Mei íadi cai Ocuíraima jaícina uafue llotímie. Afémie jiáino fiénidifueo omoi báiiñeillena ómoína riire jaícina mozíoide. Daje izói

faifuiaimona ómoína rairuíoide. ⁴Cai Ocuíraima ñue ñnogamie ícoinia, naui ómoimo cai ocuícufuiai jeire omoi úana ñue onódicai. Iemona daje izói aféfuiaina uire nágaruillaído jeire omoi óllena ñue onódicai. ⁵Mai cai Ocuíraima ómoína cánoiteza, Juzíñamui ómoína izíruillafuena omoi onóillena. Daje izói Cristo comeci járidoñenafue ómoimo íllena jicádicue.

Naga come dani íaioi táijinamo táijirede

⁶Amatiai, birui cai Ocuíraima Jesucristo mámeçido ómoína ocuídicai. Naga táijiacañede ámamona oni omoi iri, mei afémie ómoimo cai llogáfuiái afe dibéfuemo íacañedeza. ⁷Mei naui omoi cígiri ómoimo cai cíotaga táijina izói, afe izói omoi íllena onódiomoi. Cai omoi cígiri fia táijineno inédicai. ⁸Daje izói omoi güíllena íbáñeno fia güíñédicai. Mei jáíifodo mona naio ðiga ocózinaiñeno táijifiredicai, ómoimona daa cómena cai llégitañeíllena. ⁹Ua afe omoi caina canolle daíí cai jicalle ríno caimo ite, mei íadi táijifiredicai ñue illáfuenta ómoimo fidítallena, bie ómoimo cue cíotagafue izói omoi íllena. ¹⁰Naui omoi cígiri cai illa llezica, bie lletara uai ómoimo lloticai: Táijiacañedimie jaca güíñeiteza. ¹¹Mei jáíimaci caimo llotíaiói ómoimona dáarie táijinediaíoi. Táijineno fia illa llezica jáíie comíni illáfuiaimo afémaci gágutajifirediaíoi. ¹²Afe daíí ite comínina cai Ocuíraima Jesucristo rímodo ocuídicai. Afe llezica íaioina riire daídicai: Mai ñifue lloñeno omoi táijiri dani omoi jitaica ráaniai omoi ólleza, daídicai.

¹³Amatiai, omoi jetaca ñuera raana zefuruiñeno omoi ñedóicairi. ¹⁴Ninó dámie bie rabelo cai ðaináuaina jeire oñéniadi, bu mei afe uaina ínoñedimienaza mai mei omoi eróiri íena onóillena. Ie mei afe cómemona ifo oni omoi fáinocairi, ie meáidalleza. ¹⁵Mei íadi afémiena uáiogai ímiena maméñeno omoi iri. Afémie ama izói ñue omoi llófueri.

Iiraicaíño Pablo afémaci caimare uáidonocaiillafue

¹⁶Mai cai comeci ñue uái illafue llófiredede Jesús, nágaruillaído, femo náganuíaído afe comeci ñue uái illáfuenta ómoimo llóiteza. Afe izói cai Ocuíraima ómoína nabáífireiteza.

¹⁷Mai, cue Páblodicue. Bie uáidua uai dama cue ónoído cueticue; bie cueticue cue mámeçi ðiga. Nana cue cuezábiaímo daíí jónefiredicue. Bie izói cúefiredicue. ¹⁸Cai Ocuíraima Jesucristo ézicigafuemo íitiomoiza. Jae ñiie. Ja daíítadeza.